

bonitatem aliorum improbitate obscurari. Nolo, amor tuus, quem bona pietate et 796
voluntate ex tuis vel alienis commeruisti, alterius negligentia vel malitia obruatur, ^{post Aug. 10.}
sed ut proficias in sapientia in amore et honore coram Deo et hominibus; ut nil tibi^a
desit in ulla gratia, sed ubique pius appareas et^b amabilis Deo et omni populo^c.

5 Vestrae beatitudinis auctoritatem et bonae voluntatis affectum^d deus Christus
augere exaltare et conservare dignetur in aeternum, domine fili in Christo carissime
et^b in omni bono desiderantissime^e.

116.

Alcvinus Eanbaldum II archiepiscopum Eboracensem commonet, ut iusta faciat et
S. Gregorii librum pastorem semper secum ferat. 796 post Aug. 10.

10 *Codd. S fol. 172—172', A 2 fol. 140—140', A 1* p. 70—71 nr. 49^a.*

Edd. F 57, Haddan and Stubbs Councils III, 505, J 74. — Migne col. 245.

KARISSIMO FILIO SYMEONI SACERDOTI ALBINUS PATER SALUTEM.

Si gaudendum est^{a*} de ascensu, timendum est de lapsu; quia de altiore loco
periculosior est lapsus¹. Ideo secundum pronomen^b tuum esto superspeculator^{c 2} non
15 solum gregis tibi commissi, sed etiam tui ipsius, ut in paucis diebus laboris plurimam
merearis habere mercedem beatitudinis.

Tempora periculosa sunt in Brittania^d; et mors regum³ miseriae signum est;
et discordia captivitatis origo; et festinant vera esse quae sepius audisti a nostro
praedici magistro⁴.

20 Noli cupidus esse de auro et argento, sed de animarum lucro. Me vero in
orationibus et elemosinis^e memora cottidie, et te in observatione mandatorum Dei
semper contine^f. Et si tempestas undique imineat, gubernare viriliter navem Christi,
ut quandoque cum tuis nautis in portum pervenias prosperitatis. Numquam a sanctae
praedicationis verbo^g lingua sileat, numquam a bono opere manus torpescat; et quo-
25 cumque vadas, liber^h sancti Gregorii pastoralis⁵ tecum pergatⁱ. Sepius illum legas
et relegas^k, quatenus te ipsum et tuum opus cognoscas in illo; ut, qualiter vivere vel
docere debeas, ante oculos habeas. Speculum est enim pontificalis vitae et medicina
contra singula diabolicae fraudis vulnera.

Non mollescat animus tuus in adulatione principum, nec torpescat in correctione
30 subiectorum. Non te decipiant saeculi blanditiae, non exaltent honores transeuntes,
non subvertant favores populi. Esto columna firmissima in domo Dei, non harundo ^{Matth. 11, 7.}
vento agitata. Esto lucerna super candelabrum posita, non sub modio abscondita. ^{ib. 6, 15.}
Esto omnibus via salutis, non vena perditionis, ut per te plurimi corrigantur salventur
et ad vitam tecum perveniant sempiternam.

35 Vive, vale feliciter et nostri memor proficias semper in opere Dei.

^a) tibi nihil A 1*. ^b) om. A 1*. ^c) hominibus pro omni pop. A 1*. ^d) effectum A 1*.

^e) desiderantissime A 1*.

116. ^a) Lemma: Epistola Albini (magistri add. A 1*) ad Simeonem sacerdotem A.

^{a*)} om. A 1*. ^b) nomen S. ^c) semper speculator A. ^d) Britannia A. ^e) elemosinis S. ^f) om. S, A 2.

40 ^g) verbo superscriptum est in A 2; a sancta praedicatione S. ^h) litteras A. ⁱ) corrigit in habeas A 2;
habeas A 1*. ^k) hic desinit epistola in A.

1) Cf. supra p. 168 lin. 10. 2) episcopus, cf. supra p. 48 n. 2. 3) Aethilredi regis Northan-
humbrorum, die 18. Apr. 796. necati, et Offae regis Merciorum d. 26. Iulii 796. mortui. 4) Aelberhto
(archiepiscopo Eboracensi 767—778); v. supra p. 167 n. 3. 5) Hunc librum saepius commendat;

45 cf. supra p. 83. 166 n. 1, infra epp. 124. 209.